

La doturia Grete Mahlknecht é demez dai 17 (lönesc) ai 26 (dedemesaledema) d'aurí. Ara vëgn sostituida dala doturia Febbraro, Al Plan, 377 32 88 595.

L'aministraziun dl Comun S. Martin de Tor á l'intenziun da tó sö por le proscim isté 2023: nr. 1 studént/ta por n practicum formatif y de orientamënt pro i ofizi de Comun. Les demandes mëss gní presentades al ofize protocol dl comun cina la jöbia ai 04.05.2023 por les 12.00. Por informaziuns plü avisa pón damané do tl ofize dl personal dl comun (0474 / 524 378) tratan l'orar d'ofize, o ciaré sön la plata internet dl comun [www.comun.sanmartindetor.bz.it](http://www.comun.sanmartindetor.bz.it)

## PLOANIES SAN MARTIN Y LUNGIARÜ

Da sëgn inant gnará dita la mëssa prefestia dla sabeda n iade a San Martin y n iade a Lungiarü, dagnora dales 18.30.

Invit ales Rites da ji a Weißenstein le lönesc, ai 22 de ma 2023, dé de Santa Rita. Mëssa y marëna vá lapró. Präibel se prenoté pro la Rita Verginer da San Martin tel. 335 10 19 128 cina la domënia di 14 de ma.

## SAN MARTIN

La Uniun dles Ëres dij bel dilan dles ofertes gnüdes ite en Pasca dala venüda dles röses de 800 euro che ti vëgn surandada ala Südtiroler Krebshilfe.

Le grup jonil di stödafuch da San Martin á indô metü man súa ativité. Düt i mituns da 12 agn insö o che i complësc en chësc ann y ess interess da to pert pó se anunzié pro Dennis sot al numer 346 95 70 357.

## LUNGIARÜ

La Uniun dles Ëres da Lungiarü rengraziëia dla bela spenora de 610 euro che é gnüda ite en Pasca dala aziun "Na rösa por la vita".

L'Uniun dles Ëres da Lungiarü mët a jí n curs da cují por principianc/antes cun Loise Verginer. Le curs vëgn tigní tl salf dla calonia da Lungiarü ia por le mëis de ma por 5 iadi dagnora de mertesc, ai 2, ai 9, ai 16, ai 23 y ai 30 de ma, dales 19.30 ales 21.00. Le curs vëgn finanzié dal Consëi de Formazion.

Prenotésse cina en domënia ai 23 d'aurí pro Chantal 348 17 33 391.

-----

*San Germano é nasciù a Trier l'ann 619 y é mort l'ann 677 do Gejù Crist. Ti témpos dl setimo secul él tl'Europa tröc regnanc che pestâ sot i dérç di paurs y maltratâ la püra jént. San Germano che é deventé abat de n covént defenô i paurs y ciarâ che la püra jént incíaria ess da se trá le vire. N dé, che San Germano orò jí dal arzidüca a le perié da sconè i paurs, él gnü assali són tru y copé da sú soldas. Insciö é San Germano deventè n gran interzessur dantadöt por i paurs y les communités cristianes. Cun l'ejëmpl de súa vita ô San Germano tres indô invié y motivé porsones da se mëte al sorvisc de Dî y dla jént. Insciö periunse ch'al nes dëides vignun y vignöna da ti jí do a súa vocaziun y ch'al se realiséies insciö le régn de Dî. Mo i podun a pora nia ince le perié do bun témpe, do sorëdl y plöia, ch'al crësces i frûc dla tera ch'i adorun da vire.*



[unitepastorala.org](http://unitepastorala.org)

# Plata dles Ploanies San Martin y Lungiarü

ploan siur Klaus Sottas 344 15 54 055 - [klsottas@rolmail.net](mailto:klsottas@rolmail.net)  
 curat siur Heinrich Perathoner 339 65 74 213  
 redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**16.04. - 23.04.23 n. 21**

*ultimo termo por comunicaziuns: jöbia, dales 20.00*

## 2<sup>a</sup> DOMËNIA DE PASCA DOMËNIA BLANCIA - DOMËNIA DLA MISERICORDIA

*Vangele do Jan 20, 19-31*

.... Otedé do ê sü discepui indô abinà adöm, y Tomesc ê laprò. Dailò é gnü Gejù - les portes ê stlütes pro - é jü amesa ëi ite y à dit: Pêsc a os! Spo àl dit a Tomesc: Tëgn ca to dëit – chilò é mies mans! Tëgn ca tüa man y mëtela te mi costà, y ne stè a ester descredënt, mo credënt! Tomesc ti à respognü: Mi Signur y mi Dî! Gejù ti à dit: Deache te m'as odü, crëieste. Beác é chi che ne vëiga nia y crëi impò. Ćiamò tröc d'atri sëgns, che n'é nia scrić sö te chësc liber, él stè Gejù che à fat dan dai edli de sü discepui. Mo chisc é gnüs scrić sö ch'i cherdëise che Crist é le Messia, le Fi de Dî, y ch'i èise, tres la fede, la vita te so inom.



*Por avëi fede, él do le vangelist Jan massa püch, ma araté cosses por vëi. Fede ó dí deplü: Confidé tla vita, tl amur y tla speranza.*

*Le vangele nes damana: Crëieste che n amur, sciöche Gejù nes l'à mostré, é plü sterch co la mort". Crëieste che la pesc, che Gejù á incundé y vit, nes é impormetüda ince sura súa mort fora? Crëieste che la cossa de Gejù vá inant, ince sc'al pê ch'ara vá a fin? Crëieste ch'al á n significat, da se dé da fá por n miù monn, ince sc'al pê ch'al n'é plü por nia? Crëieste che la pesc é buna da devënje la vera, ince sc'al pê che la realté é n'atra?*

*T'impúnteste y n'oste nia azeté ci che d'atri te dij? Este sciöche Tomesc, che t'os propi sintí cun tüa pel, che Idî é vi, ch'al te pëia ite y brancia do te?*

*Insciö pó la fede ester vigni de n scrai:*

*Bel Dî, móstreme che l'amur é plü sterch, ch'i sunsi bun da crëie en te y tla vita.  
 Image*

EDEMA - ANN "A"	SAN MARTIN	LUNGIARÜ	
16.04.23 <b>DOMËNIA BLANCIA - DLA MISERICORDIA</b> <i>Rudolf, Elia</i>	<b>9.00 Prozesciun de San Germano</b> <b>9.30 Gran Mëssa dla Comunité</b> + Maria Graffonara (dl ann) + Teresa Pedevilla Flöss + + Zilia y Hermann Prousch y + + Rungger	<b>7.50 Corona</b> <b>8.15 Gran Mëssa dla Comunité</b>	
17.04.23 <b>Lönesc</b> <i>Rudolf, Elia</i>			
18.04.23 <b>Dedolönesc</b> <i>Sabina, Anastasia</i>	<b>19.00 Mëssa</b> dl ann + Paul Ferdigg + Mariangel Tavella		
19.04.23 <b>Dedemesaledema</b> <i>Leo, Werner</i>		<b>7.30 Mëssa</b> por les Animes plü abandonades + Vinzenz Clara, postin + + da Mazchel y aniv. + Davide Daporta dl ann + Rita Zingerle Clara dl ann + Clementina Costa Schanung	Tö, Ressorí, Crist, tö che te vires! Nos viun ciámó tl'ambria dla mort y un da patí, deache nosta fortüna, nosta sanité y nostes forzes, döt passa. I se temun da messëi tó comié por dagnora da nüsc compagns de tru y i n'orun nia aldí che nosc tëmp se rovará, deach'i ne sun nia bugn da ciafé fora ci ch'al sará do la mort. Recórdesse, Signur, che te nes aspetes düt ala fin di tëmps, che te pares bele sägn demez da nosta vita les ambries dla mort cun la potënça dl amur, che é plü sterch y che döra por dagnora. Tö che t'as les tlés da jí tla vita: Deura sö les saradöres de nosc cör ch'i tolunse sö la noela de Pasca y confidunse. Sera defora düt i pinsiers scürs, döt ci che nes destürba y fej pora. Deuresse ala ligrëza de tüa devënta sura la mort y le mal.
20.04.23 <b>Jöbia</b> <i>Sara, Odeta</i>			Tö che te vires, télesse cun te, te n dagní zëenza violëenza, zëenza tëma y zëenza legremes. Mënete picé de nos! (H.Chat.)
21.04.23 <b>Vëndres</b> <i>Anselm, Conrad</i>	<b>18.30 Adoraziun chîta</b> <b>19.00 Adoraziun deboriada</b>		
22.04.23 <b>Sabeda</b> <i>Teodor, Alessandra</i>	<b>18.30 Mëssa prefestia</b> + Clara Ploner + Rosalia y fr. Martin Ploner + Otilia Dapunt Pedevilla	<i>degöna mëssa</i>	
23.04.23 <b>3<sup>a</sup> DOMËNIA DE PASCA</b> <i>Prozesciun a Porsenú de San Ciascian y San Vigile</i>	<b>9.00 Corona</b> <b>9.30 Gran Mëssa dla Comunité</b> dl ann + Pire Erlacher a d'intenziun <i>al cianta le cor "Mosaic"</i>	<b>7.50 Corona</b> <b>8.15 Gran Mëssa dla Comunité</b>	